

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 015889 21 V

Novi Travnik, 26.05.2022. godine

Kantonalni sud u Novom Travniku, sutkinja Stana Imamović u vanparničnom postupku po prijedlogu predlagateljice A.B., nastanjena na adresi J., R.H., ulica, protiv protupredlagatelja N.B. iz J.,, R.H., radi priznanja strane sudske odluke o razvodu braka, dana 25.05.2022. godine, donio je slijedeće:

RJEŠENJE

Prijedlog za priznanje strane sudske odluke u ovoj pravnoj stvari podnesen 20.10.2021. godine, smatra se povučenim.

Obrazloženje

Dana 20.10.2021. godine preporučenom pošiljkom, predlagateljica A.B. je podnijela prijedlog za priznanje strane sudske odluke o razvodu braka i to odluke Općinskog suda Novi Zagreb, Stala služba u Jastrebarskom, R. Hrvatska, broj 27 P, Ob-662/15-3 od 26.11.2015. godine, koja je istog dana postala i pravomoćna. Uz prijedlog je podnijela original presude i vjenčani list Matičnog ureda Grada Zagreb od 23.07.2018. godine.

Rješenjem broj 06 0 V 015889 21 V od 15.12.2021. godine predlagateljici je naloženo da u roku od 30 dana od dana prijema rješenja, podnese uredan prijedlog za priznanje strane sudske odluke o razvodu braka na način da isti svojeručno potpiše i naznači tačnu adresu stanovanja, da navede ime svoga oca, ime i prezime protupredlagatelja sa adresom stanovanja i dostavi izvod iz matične knjige vjenčanih izdat od nadležnog matičnog ureda u BiH i izvod iz matične knjige rođenih za predlagateljicu. Rješenje je dostavljeno predlagateljici lično 07.02.2022. godine (povratnice broj 6-1562280, koja se nalazi u spisu predmeta ovog suda).

Kako predlagateljica nije postupila po nalogu ovog suda, jer u ostavljenom roku nije dostavila uređen prijedlog, ovaj sud je shodno odredbi člana 336. stav 3. Zakona o parničnom postupku ("Službene novine Federacije BiH" broj 53/03, 75/05, 19/06 i 98/15), koji se na odgovarajući način primjenjuje i u postupku priznanja stranih sudskih odluka, donio rješenje kojim se smatra da je prijedlog za priznanje strane sudske odluke povučen.

Sutkinja
Stana Imamović

Pouka o pravnom lijeku:

Protiv ovog rješenja može se izjaviti žalba u roku od 15 dana od dana prijema rješenja Vrhovnom sudu Federacije BiH, a podnosi se putem ovog suda u tri primjerka.

